

Tre Savii a terra ferma.

Sier Francesco Foscari, è di Pregadi, qu. sier Nicolò	96.108
Sier Ferigo Renier, fo avogador, qu. sier Alvise.	119. 92
Sier Alvise Gradenigo, fo Cao dil Consejo di X, qu. sier Domenego el cavalier.	111. 97
Sier Francesco Bolani, fo avogador, qu. sier Candian.	42.168
Sier Zuan da Canal qu. sier Nicolò dotor	60.144
Sier Antonio Venier qu. sier Marin el procurator, fo	70.133
Sier Tomà Contarini, fo di la zonta, qu. sier Michiel	78.127
Sier Pandolfo Morexini, è ai X Savii, qu. sier Hironimo	108. 96
Sier Gabriel Moro el cavalier, è di Pregadi, qu. sier Antonio.	79.129
Sier Michiel di Prioli, è di Pregadi, qu. sier Costantin	86.113
† Sier Andrea Foscolo, è al luogo di Procuratori, qu. sier Marco	126. 97
† Sier Justinian Morexini, fo savio a terra ferma, qu. sier Marco	129. 70
† Sier Marin Sanudo, fo di la zonta, qu. sier Francesco	136. 72
Sier Andrea di Prioli, fo patron a l'Arsenal, qu. sier Marco	99.112
Sier Zuan Antonio Dandolo, è di Pre- gadi, qu. sier Francesco	97.114
Sier Francesco da cha' da Pexaro l'avogador, qu. sier Marco	109. 93
Non. Sier Zuan Trivixan, fo consier, qu. sier Zacaria dotor et cavalier.	

Dil mexe di Lujo 1516.

A dì 1. Introno in Colegio questi savii dil Consejo: sier Zacharia Dolfin e sier Zorzi Corner cavalier procurator; di terra ferma, sier Justinian Morexini; et nuovi, sier Marin Sanudo qu. sier Francesco, e sier Andrea Foscolo qu. sier Marcho. Et li capi dil Consejo di X: sier Alvise Mocenigo el cavalier, sier Orsato Justinian e sier Piero da Pexaro. Li do introe et il Mocenigo non vene questa matina.

Ozi se intese come eri a Padoa, a hore 14, sier Almorò Pixani qu. sier Zuane dal Bancho, fo Cao

dil Consejo di X, morite, qual era andato lì per mudar ajere per le sue gote et li vene fluxo; havia anni 46. El corpo, posto in una cassa, fo portato in chiesa di Santa Sofia, dove el stava, poi sepolto a Santo Andrea de Lio; et suo fradelo, sier Alvise Pixani el procurator, andoe a Padoa per vederlo spirar ed ajutarlo, et nulla li valse.

Di Vicenza, fo letere di sier Jacomo Manolesso provedador, di eri. Come i nimici erano a San Bonifazio et Soave, et mandavano il butino fato in Vizenza in Verona, etiam quelle biave potevano tuor; et sier Zuan Vituri provedador di cavali lizieri con altri cavali era andato verso i nimici per veder di far qualche fazione.

Et come vidi *letere particular in visentini*, che i nimici feno presoni molti, et li feno andar per terra cargi di robe dil sachò fato, et preti e frati; sichè hanno fato gran danno, e trovato assae in li monasterii, et sede et altro. Et partidi i nimici, villani introno dentro et non trovano nulla in le case, salvo il corpo di letti che non se potevano tutti portar via. Non so li presoni da conto, ni chi i sono, salvo di

Di campo, fo letere di sier Andrea Gritti procurator, provedador zeneral, data a Puzolengo a dì 29, ore 18. Come era stato col Governador da monsignor di Lutrech, et parlato zercha l'ussita à fato i nimici di Verona, exortando sua excelentia a moversi; il che à contentato levarsi e venir fin a la riva dil Menzo, et questo perchè à promesso levarsi dil mantoan per aver auto denari dil Marchese, justa la composition fata. Et cussì etiam lui provedador con le nostre zente si leverà dove i sono, et passerano Menzo, alozando sul veronese, et 203* vederà se porà etiam aver con lui qualche zente francese di dito Lutrech, over farlo passar etiam lui, e 'l conte Piero Navaro con li 2000 fanti et le lanze che passò Pò e

Da poi disnar, fo Colegio di Savii *ad consulendum*.

Di Vicenza, di sier Jacomo Manolesso provedador e Zentil Brazoduro dotor governador fo letere scrite uniti, di questa matina. Come hanno, i nimici sono a San Bonifazio et mandano il butin fato con li presoni in Verona, et par non siano per tornar in la terra, ma voleno venir a veder di aver Lignago et venir a depredar Colonia, e tuor quelli formenti troverano; li cavali lizieri li è drio per far qualche cossa.

Da Ragusi fo letere, di 17, particular. Co-